
БАҒДОД ТУМАНИ ҲОКИМЛИГИ АХБОРОТ ХИЗМАТИНИНГ РАСМИЙ БИЛДИРИШИ

Ижтимоий тармоқларда “250 минг сўм тўлов қилдик, аммо ҳалигача интернет улаб берилмади” сарлавҳаси билан эълон қилинган мурожаат юзасидан қуидагилар маълум қилинади:

Мурожаатда, Бағдод туманининг Майлавой қишлоғида яшовчи шахси ёйинланмаган фуқаро “ўз хонадонига интернет тармоғини улаб беришларини сўраб туман телекоммуникация боғламаси мутахассислариға мурожаат қилгани ва ушбу хизмат учун 250 минг сўм тўлов қилгани, аммо ҳалигача унинг сўрови амалга оширилмагани” баён қилинади.

Мазкур мурожаат Бағдод тумани прокуратураси ҳамда туман телекоммуникация боғламаси ходимлари билан ҳамкорликда жойига чиқиб ўрганилганида, мижозлар кўрсатилаётган интернет хизматининг сифатидан қониқиш ҳосил қилаётгандарини таъкидлашди.

Бағдод тумани телекоммуникация боғламаси раҳбари Сайдбек Ўринбоевнинг маълум қилишича, “Майлавой” маҳалла фуқаролар йиғини худудига жорий йилнинг май ойида оптик толали алоқа кабеллари тортилган ва ўз хонадонида интернет хизмати ўрнатилишини истаган фуқароларнинг мурожаати 2 кун ичida тўлиқ ижобий ҳал этилмоқда. Айни кунларда Майлавоидаги 41 нафар мижоз сифатли телекоммуникация хизматларидан фойдаланиб келмоқда. Июнь ойида уларнинг 29 нафари мазкур хизмат учун тўловни амалга оширган ва уларнинг ҳар бири билан тегишли тартибда шартномалар тузилган.

Шу кунги ўрганиш давомида маълум бўлишича, июнь ойининг 25-санасига келиб худудда яшовчи яна 4 нафар фуқародан ўз хонадонларини интернет тармоғи улаш бўйича мурожаатлар мавжуд бўлган. Ушбу мурожаатлар ҳам шу куннинг ўзида ижобий ҳал қилинди.

Бағдод тумани ҳокимлиги Ахборот хизмати.

2020-06-29 09:33:11